



Неделя четвертая Святых Постов, Иоанна Лествичника

Редакция и составление Г.Смирнова.
Храм Живоначальной Троицы в Отстанкино
Подворье Патриарха Московского и Всея Руси.

10 Яко утвердися милость Его на нас,

и ис - ти - на Гос - под - ня пре - бы - ва - ет во век.

От - че И - о - ан - не пре - по - доб - не, вос - пе - рив ум

к Бо - гу ве - ро - ю, мир - скаго смешения омерзил еси не - по - сто -

ян - но - е; и крест твой восприим, Всевидцу по - сле - до - вал е - си;

те - ло не - о - буз - дан - но - е под - ви - га - ми о - бу - че - ни - я, по - мы - слу

по - ра - бо - тив, кре - по - сти - ю Бо - жест - вен - на - го Ду - ха.

**Таже Триоди подобны 3, глас 8.
Подобен: «О, преславного чудесе!»**

7. Стих: Яко у Господа милость и многое у Него избавление/ и Той избавит Израиля от всех беззаконий его.

Отче Иоанне преподобне,/ выну воистинну/ Божия в гортани возношения носил еси/ поучаяся детельнейшим,/ богодухновенным словесем всемудре,/ и оттуду истекаемою благодатию обогатился еси, // быв блажен, нечестивых всех советования низвращая.

8. Стих: Хвалите Господа вси языцы/ похвалите Его вси людие.

Отче Иоанне преславне,/ слез источники душу очисти, / и всенощными стоянии/ Бога умиловив, восперился еси/ к люблению Сего блаженне и красотё;/ еяже достойно ныне наслаждаешься,/ непрестанно радуясь, со страдальцы твоими, // богомудре преподобне.

9. Стих: Яко утвердися милость Его на нас/ и истина Господня пребывает во век.

Отче Иоанне преподобне,/ восперив ум к Богу верою,/ мирскаго смешения/ омерзил еси непостоянное;/ и крест твой восприим,/ Всевидцу последовал еси;/ тело необузданное/ подвигами обучения, помыслу поработив, // крепостию Божественнаго Духа.

«Слава» - глас 5:

Преподобне отче,/ гласа Евангелия Господня послушав,/ мир оставил еси,/ богатство и славу ни во чтоже вменив./ Отонудуже всем возопил еси:/ возлюбите Бога, и обрящете благодать вечную./ Ничтоже предпочтите паче любве Его,/ да егда приидет во славе Своей,/ обрящете упокоение со всеми святыми,/ ихже молитвами, Христё, // сохрани и спаси души наша.

«И ныне» - **Догматик гласа.**

Вход. Свете тихий:

На литии же, яко обычно, стихира храма.

НА СТИХОВНЕ

Стихиры Осмогласника.

«Слава» - преподобнаго, глас 2:

На земли а́нгела/ и на небесех человека Бóжия,/ мiра благоукрашение, наслаждéние благiх,/ добродетелей постнических похвалу, Иоáнна почтiм:/ насажден бо в дому Божии, процвете прáведно,/ и я́ко кедр в пусты́ни/ умножи стада Христова словéсных овéц, // в преподобии и прáвде.

«И ныне» - Богородичен:

О, чудесе новаго всех дрéвних чудес!/ кто бо позна Матерь без мужа рóждшую,/ и на руку́ носящую, всю тварь содержа́щаго?/ Божие есть изволение, рóждшееся./ Егоже яко младенца, Пречiстая,/ Твоiма рукама носiвшая,/ и Матерне дерзновение к нему имúщая,/ не престай молящи о чтúщих Тя, // ущедрити и спасти души нáша.

По Трисвятом тропарь Богородице Дево: дважды.

И преподобному, единожды. Глас 1:

Пустынный житель и в телеси а́нгел,/ и чудотвóрец явился еси, богоносе отче наш Иоáнне;/ постóм, бдением, молитвою небесная даровáния приiм,/ исцеляеши недужныя, и души верою притекаю́щих ти./ Сла́ва Давшему ти крéпость,/ слава Венчáвшему тя, // слава Действующему тобою всем исцелéния.

И прочее последование бдения, яко обычно.

НА УТРЕНИ

На «Бог Господь» во глас Осмогласника, и глаголем тропарь воскресен дважды.

Слава, преподобному, глас 1:

Пустынный житель и в телеси а́нгел,/ и чудотво́рец явился еси, богоносе отче наш Иоа́нне;/ постóм, бдением, молитвою небесная дарова́ния при́йм,/ исцеляеши недужныя, и души верою притекаю́щих т́./ Сла́ва Давшему ти крѣпость,/ слава Венча́вшему т́я, // слава Действующему тобою всем исцелѣния.

И ныне, Богородичен:

Гаври́илу, вещавшу Тебе Дево, ра́дуйся,/ со гласом воплощашеся всех Влады́ка,/ в Тебе́, Святем Киво́те,/ якоже рече пра́ведный Дави́д;/ яви́лася еси ши́ршая небѣс,/ поносивши Зижди́теля Твоего́./ Сла́ва всѣльшемуся в Т́я,/ слава прошедшему из Тебе́, // слава свободившему нас Рождество́м Твои́м.

И прочее все воскресно. Покаяния отверзи:

Ирмосы воскресные, гласа.

Катавасия, Пресвятей Богородице, глас 4-й

Песнь 1

Катавасия: Отверзу уста моя,/ и напóлнятся Ду́ха,/ и слово отрыгну Царице Ма́тери,/ и явлюся светло торжеству́я, // и воспою ра́дуясь То́я чудеса́.

Песнь 3

Катавасия: Твоя песнословцы, Богоро́дице,/ живый и незави́стный исто́чнице,/ лик себе совокупльшия, духовно ут-

верди:/ в Божественной Твоей славе// венцев славы сподоби.

Песнь 4

Катавасия: Седяй в славе,/ на престоле Божества,/ во облаце лёгце/ прииде Иисус Пребожественный,/ нетленною дланию,/ и спасе зовущия:// слава, Христэ, силе Твоёй.

Песнь 5

Катавасия: Ужасошася всяческая/ о Божественной славе Твоёй:/ Ты бо, Неискусобрачная Дёво,/ имела еси во утробе над всеми Бóга/ и родила еси безлетнаго Сына,/ всём воспевающим Тя// мир подавающая.

Песнь 6

Катавасия: Божественное сие и всечестное/ совершающе празднество,/ богомудрии, Богомáтере/, приидите, руками восплещим,// от Нея рождшагося Бóга славим.

КОНДАК ПРЕПОДОБНАГО, ГЛАС 4:

На высоте Господь воздержания/ истинна ты положи,/ якоже звезду нелестную,/ световодящую концы,// наставниче, Иоанне, óтче наш.

Песнь 7

Катавасия: Не послужиша твари богомудрии/ паче Создавшего,/ но огненное прещение мужески поправше,/ радовахуся поюще:// препетый отцев Господь и Бóг благословен еси.

Песнь 8

Катавасия: Отроки благочестивыя в пещи/ Рождество Богородино спасло есть;/ тогда убо образуемое,/ ныне же

дѣйстви́мое,/ вселенную всю воздвизает пѣти Тебѣ:/
Господа пойте делá// и превозносите Егó во вся вѣки.

Песнь 9

Катавасия: Всяк земнорóдный/ да взыграется, Духом просвещáемь,/ да торжествует же безплотных умóв естество,/ почитающее священное торжество́ Богомáтере,/ и да вопиёт:/ рáдуйся, Всеблажénная// Богородице, Чíстая Приснодéво.

НА ХВАЛИТЕХ ПОСТАВИМ СТИХОВ 8

И поем стихиры Осмогласника.

Таже, глас 1:

1. Стих: Воскресни, Господи Боже мой, да вознесется рука Твоя,/ не забуди убогих Твоих до конца.

Приидíte делаим в тайном винограде,/ плоды покаяния в нем творя́ще,/ не в бра́шнях и питиих тружда́ющесея,/ но в молíтвах и постех добродетели исправля́юще;/ сими угождаемый Господь дела, дина́рь подаёт,/ и́мже души избавляет долга грехóвнаго,// един Многоми́лостивый.

«Слава» - глас 1:

Приидíte делаим в тайном винограде,/ плоды покаяния в нем творя́ще,/ не в бра́шнях и питиих тружда́ющесея,/ но в молíтвах и постех добродетели исправля́юще;/ сими угождаемый Господь дела, дина́рь подаёт,/ и́мже души избавляет долга грехóвнаго,// един Многоми́лостивый.

И ныне: Преплагословенна еси:

Славословие великое, и тропарь воскресен. Таже ектении, и отпуст. И стихира евангельская, и час первый.

НА ЛИТУРГИИ

изобразительныя, и блаженны гласа.

ПО ВХОДЕ:
[В храме Господском]

Тропарь воскресен, гласа.

Тропарь преподобному, Глас 1:

Пустынный житель и в телеси а́нгел,/ и чудотво́рец явился еси, богоносе отче наш Иоа́нне;/ постóм, бдением, молитвою небесная дарова́ния при́йм,/ исцеляеши недужныя, и души верою притекаю́щих тѣ./ Сла́ва Давшему ти крѣпость,/ слава Венча́вшему тѣ, // слава Действующему тобою всем исцелѣния.

Слава: Кондак преподобнаго, глас 4:

На высоте Господь воздержáния/ и́стинна тѣ положи́,/ якоже звезду нелѣстную,/ световодя́щую концы́, // наставниче, Иоанне, о́тче наш.

И ныне: Кондак воскресен, гласа.

Прокимен апостола, рядового гласа.

Таже преподобнаго, глас 7: Восхвалятся преподобнии во славе/ и возрадуются на ложах своих. Стих: Воспойте Господеви песнь нову.

Апостол дне ко евреям, зачало 314. Таже преподобнаго ко ефесеим, зачало 229. Аллилуия, гласа, и преподобнаго. Стих: Насаждени в дому Господни во дворех Бога нашего процветут. Евангелие от Марка, зачало 40. И преподобнаго, от Матфея, зачало 10.

Причастный: Хвалите Господа с небес: Другий: В память вечную:

